


Maman!

IDEIS PE LETURE



Progjet promovût di 'Il Friuli' e 'ARLeF'

L. De Clara, "Lis storiis di Inge e Bach", ilustrazions di F. Gregoricchio, Didatiche Kappa Vu, 2011.

ZÛCS

Ce àno metût dentri dal russac Daria e lis sôs amiis par lâ in mont? Unis i ogjets di mont al russac e po colore.



Soluzion: 2, 3, 6, 7, 8

LIS AVENTURIS DI VIGJI E LUMI



CJÂR DIARI, a son lis 6 di matine e al è sunât cumò devant il campanel di cjase.


Ma cui isal chel basoâl che mi svee cussì adore? Dulà ise Daria? Cumò o voi jù dal jet e o voi a cirîle ator pe cjase. Vele! E je devant de puarte che e spiete une sô amie.



A son dutis dôs vistudis come dôs astronautis: tute lungjone e pesantone, manecis, siarpone, stivâi, scufe di lane e gjubot. Su lis spalis un grant **russac** plenon di robe. A van a Tarvis a viodi la nêf. O ai sintût a dî che Lumi e je za pronte e che e je in machine e che... o mancji dome jo. Prin di dut: cui ise Lumi? E ce vuelial dî che o mancji dome jo? Marissante! Daria e tire fûr de borse cuatri scarputis picininis picininis e une gjachetute! Judimi ti prei! E vûl menâmi sù pes monts! Il to Vigji



Tant par ridi



INDUVINE INDUVINEL

O vin di clamâ un tratôr par gjavâ la nêf de galarie de autostrade.

Par voaltris ise miôr la pale a forme di V o chê a forme di M? Chê a forme di M? Ma no, nol nevee dentri de galarie!!!

LU SAVEVISO CHE...?

■ "Madone Cereole, tant soreli, tante neveole". Se ai 2 di Fevrâr al è soreli, prime che e rivi la Vierte e sarâ ancjemò tante nêf o tant frêt.



Maman! Tantis sorpresis ogni setemane. Us din apontament su

telefriuli



Vinars aes 5.45 sot sere

Pagjine curade di Daria Miani e dal Sportel Regjonâl pe Lenghe Furlane de ARLeF

ARLeF
AGENZIE
REGIONÂL
PE LENGHE
FURLANE